

# Tâi-ôan Lô-má-jī Tùi Tâi-ôan Ê Kòng-hiàn

Góa Iông Tâi-ôan Lô-má-jī Òh Bó-gí Ê Kám-sióng

Tân Bô-hiông

**C**hèng-tī ē-tàng iông-háp, tân-sī kok chòk-kûn ê bûn-hòa kan-na ē-tàng hō-sióng chun-tiông, bē-tàng kiông-pek iông-háp! Kiông-sè iông-háp jiòk-sè, sū-sit sī siau-biát, m̄-sī iông-háp! Ân-ne ē chō-sêng tùi-lip. Tâi-ôan kin-á-jit ē sán-seng giâm-tiông ê ì-sek hêng-thài tùi-lip, tī-liáu chiong-chiàn chhō-kī kok chòk-kûn bô pêng-téng í-gōa, chêng-hú kú-tng lâi tók-chun Pak-kia<sup>n</sup>-ôe bûn-hòa, siū<sup>n</sup> beh iông-hòa kī-tha<sup>n</sup> chòk-kûn bûn-hòa m̄-sī chú-iàu ê gōan-in chi-it! Sǒ-í, nā beh siau-tī ì-sek hêng-thài ê tùi-lip, chun-tiông kok chòk-kûn bûn-hòa sī chòe ki-pún ê tiâu-kiā<sup>n</sup>! Gí-giân sī bûn-hòa chi bó, chí-ū chun-tiông pó-liū kok chòk-kûn ê gí-giân, chia<sup>n</sup> ũ hoat-tō chhiok-chìn chòk-kûn hô-hâi.

Góa chit-si-lâng iông Pak-kia<sup>n</sup>-ôe kà-chheh, m̄-kú hoat-im iáu-sī bô piau-chún, in-ūi góa ê bó-gí sī Hō-ló-ôe. Góa bô hoat-tō kóng piau-chún ê Pak-kia<sup>n</sup>-ôe. Tân-sī góa m̄ bô

---

---

Tâiôanji Tē 5 kī p.15

hoat-tō iông góa ê bó-gí thak chit-phi<sup>n</sup> bûn-chiu<sup>n</sup>, koh-khah mài-kóng beh iông góa ê bó-gí siá chit-tiu<sup>n</sup> phe, chit-phi<sup>n</sup> bûn-chiu<sup>n</sup> ! Góa sī chit-ê ũ phok-sū hāk-ūi ê ko-kip tì-sek hūn-chú!!! Ân-ne lán thang chai-iá<sup>n</sup>, góa ê bó-gí lêng-lék í-keng pī siau-biát chit tōa pō-hūn lờ!

Góa ián-káng it-hiông lóng m̄-bat siá chhó-kó, thia<sup>n</sup>-chiông ê hóan-èng lóng bē-bái. Ū chit-pái góa siá chhó-kó liáu chia<sup>n</sup> ián-káng, sòa tian-tò ũ lêng kóng góa ê lāi-iông bô chheng-chhó, phá<sup>n</sup> khi<sup>n</sup>-siu! Hāi góa ka-kī m̄ sa bô liáu-á-mng, m̄-chai bûn-tê chhut tī tó-ui? It-tit kàu ũ chit-kang hoat-hiân góa thia<sup>n</sup> tiân-sī ê Tâi-gí sin-bûn keng-jian pí thia<sup>n</sup> Pak-kai<sup>n</sup>-ôe sin-bûn koh khah chia<sup>n</sup>-lát! Hit-chūn góa chia<sup>n</sup> thé-hōe-tiòh góa ê ián-káng-kó kap tiân-sī Tâi-gí sin-bûn ê sin-bûn-kó käng-khóan! Bô sêng Tâi-gí! Góa chí-sī ká Pak-kia<sup>n</sup>-ôe iông Tâi-gí ê hoat-im thak--chhut--lâi jī-í! Bòk-kòai lêng thia<sup>n</sup> bô! Tùi hit-chūn khai-sí góa tiòh liân-sip iông Tâi-gí siá kó, m̄-kú chin chē jī iông Hàn-jī lóng siá bē chhut--lâi! Ū lêng ká góa kóng, chiàu góa ê nī-hòe nā ták-jit lóng òh Hàn-jī lâi siá Tâi-gí, khó-lêng siá kàu góa sí--khi hit-chūn iáu bô lêng-lék siá Tâi-gí bûn-chiu<sup>n</sup>! In-ūi Tâi-gí ê Hàn-jī ũ óa lak-bān-jī. Koh chà<sup>n</sup> kóng, Tâi-gí lāi-té ũ chì-chió sī-hun chi-it m̄-sī Hàn-gí, pún-lâi tiòh bô sek-tong ê Hàn-jī thang iông. In kià n-gī góa òh Tâi-ôan Lô-má-jī lâi siá Tâi-gí. Chū án-ne góa khai-sí òh Tâi-ôan LMJ. Keng-kòe sa<sup>n</sup>-cháp tiám-cheng ê hùn-liân, sui-jian siá-tiòh iáu chin chia<sup>n</sup>-lát, khiok kám-kak pí iông Hàn-jī khah kán-tan, khah hó siá! Che sī góa chit sa<sup>n</sup>-kó-gòeh lâi siông tōa ê sim-tek. Góa kám-kak tát-tit lán tōa-lát lâi thui-kóng. Koh ũ chit-tiám, iông LMJ ē hō lán hoat-im kap sia<sup>n</sup>-tiâu hui-siông ê chêng-khak! Chiū chhin-chhiū<sup>n</sup> t éng-jim Bí-kok chāi Tâi Hiáp-hōe Ko-hiông hun-chhū hit ê chhū-tiú<sup>n</sup> Kim Tai-iú käng-khóan!

Kok chòk-kûn ê bó-gí ki-pún kờ-chō chha-piát kai tōa. Nā bô iông bûn-jī lâi kì-liòk pó-chūn, ē chin kín siau-sit, biát-bông khi. Tân-sī lán bák-chêng koh bô hoat-tō ôan-chôan iông Hàn-jī lâi pó-liū bó-gí. Lán chí-ū kià-bāng tī Tâi-ôan LMJ! Ū lêng phoe-phêng kóng Tâi-ôan LMJ m̄-sī lán ê chō-sian lâu--lòh--lâi ê bûn-jī. M̄-kú lí kám ũ

khak-tēng lí chit-má só sú-iōng ê bûn-jī kap sa<sup>n</sup>-chheng nî-chêng lí ê chó-sian só iōng  
ê ũ sio-kāng?